

= Pročitan i razmatran
odlučeno da bude
Službeno saopćenje
Vijeće Fakulteta

18. 11. 2024. [signature]

Univerzitet u Sarajevu – Filozofski fakultet
Odsjek za komparativnu književnost i informacijske nauke

Datum:

Broj:

**ODBORU ZA OSIGURANJE KVALITETA FAKULTETA
PRODEKANESI ZA NASTAVU I STUDENTSKA PITANJA**

**PREDMET: Dopis o provođenju interne evaluacije nastavnih planova i programa
na Odsjeku za komparativnu književnost i informacijske nauke**

Poštovani,

Odlukom Vijeća Fakulteta od 10. 10. 2024. godine pokrenut je postupak interne programske evaluacije po isteku trajanja ciklusa studija u kojem se realizira studijski program u skladu sa odredbama Zakona o visokom obrazovanju ("Službene novine Kantona Sarajevo", broj: 36/22.) i Dopisom, broj: 03-12/59-1 od 3. 7. 2024. godine, (NASTAVNI PLANOWI I PROGRAMI 2019/2020.) na Odsjeku za komparativnu književnost i informacijske nauke. Za provođenje postupka interne programske evaluacije imenovana je Komisija u sastavu:

1. Doc. dr. Fahrudin Kujundžić, po službenoj dužnosti
2. Prof. dr. Edin Pobrić
3. Doc. dr. Džejla Khattab

Odsjek za komparativnu književnost i informacijske nauke Univerziteta u Sarajevu – Filozofskog fakulteta je u okviru redovnih aktivnosti na unutrašnjoj kontroli kvalitete studijskih programa odlučio pristupiti internoj programskoj evaluaciji.

Razlozi zbog kojih se Odsjek odlučio na ovaj korak su:

1. Član 14. Pravilnika o postupku usvajanja i izmjene studijskih programa na Univerzitetu u Sarajevu nalaže redovno osavremenjivanje studijskih programa, u okviru postupka unaprijeđivanja nastavnog procesa i osiguranja kvalitete.
2. Član 80. Zakona o visokom obrazovanju Kantona Sarajevo propisuje obavezu da se izvrši evaluacija studijskog programa najmanje po isteku jednog ciklusa studija na kojem se realizira aktuelni studijski program. S obzirom na to da je aktualni Nastavni plan i program usvojen 2019. godine, Odsjek je bio već spreman za postupak interne programske evaluacije i čekala se samo odluka Vijeća Fakulteta da proces može zvanično početi.

Interna programska evaluacija ovaj put ima dodatan značaj zbog priprema za predstojeću akreditaciju studijskih programa Univerziteta u Sarajevu, tako da Odsjek želi iskoristiti

ovu priliku da unaprijedi svoje studijske programe, na tragu Samoevaluacijskog izvještaja koji je Odsjek dostavio 2024. godine.


Odsjek ističe sljedeće izazove koje planiramo riješiti sa novim Nastavnim planom i programom:

1. U skladu sa dinamikom napredovanja nastavnog kadra, Odsjek će u toku postupka revizije voditi računa o pokrivenosti nastave na svim predmetima, te sadašnjim i budućim nastavnim normama profesora i asistenata na Odsjeku.
2. Odsjek će posebno obratiti pažnju na jednopredmetni studij Komparativne književnosti na I ciklusu studija, koji je u prethodnom periodu bio zaleđen i koji će nakon ove revizije ponovo biti ponuđen za upis studenata od 2025/2026. akademske godine.
3. Prema Samoevaluacijskom izvještaju studijskog programa komparativne književnosti i informacijskih nauka iz 2024. godine, a za period od 2019. do 2023. godine, postoji pojačan interes za pokretanje jednopredmetnog studijskog programa informacijskih nauka, posebno na II. ciklusu studija. Kao rezultat neformalnih podataka prikupljenih posebno od strane alumnijskih koji već rade u različitim bibliotečkim i informacijskim ustanovama i koji su iskazali interes za daljnjim obrazovanjem u sferi svojih profesionalnih okvira, dakle, isključivo u informacijskim naukama, u pomenutom izvještaju je iskazana spremnost za osnivanjem jednopredmetnog studija informacijskih nauka na II ciklusu studija. Odsjek planira uputiti inicijativu o pokretanju jednopredmetnog studijskog programa informacijskih nauka na II. ciklusu.
4. Na tragu iskustava u implementaciji aktualnog Nastavnog plana i programa, Odsjek će pristupiti korekcijama u broju nastavnih sati koje pojedini predmeti podrazumijevaju, u skladu sa predviđenim nastavnim opterećenjima za profesore, asistente i studente.
5. Unutar ranije zadatih okvira koje je poštovao aktualni Nastavni plan i program, Odsjek će vršiti izmjene i u sadržaju pojedinih predmeta i naći prostor za dodatne izborne predmete u cilju osavremenjivanja studijskih programa.
6. Odsjek također planira korigovati i unaprijediti dio Nastavnog plana i programa u kojem se nalaze sve osnovne informacije, uz poseban fokus na definiranje kompetencija i ishoda učenja, u skladu sa potrebama predstojeće akreditacije studijskih programa Univerziteta u Sarajevu.

Na osnovu svega navedenog, Odsjek za komparativnu književnost i informacijske nauke pokreće postupak interne programske revizije i postupak izmjene i dopune studijskog programa ili osavremenjivanje istog u skladu sa odredbama pravilnika o postupku usvajanja i izmjene studijskih programa na Univerzitetu u Sarajevu.

Komisija koju je imenovao Odsjek će pravovremeno završiti rad na izmjeni Nastavnog plana i programa i proslijediti potrebne dokumente u daljnju proceduru.

S poštovanjem,



RUKOVODITELJ ODSJeka ZA KOMPARATIVNU
KNJIŽEVNOST I INFORMACIJSKE NAUKE

Doc. dr. Fahrudin Kujundžić